

«Հայաստանի էլեկտրական ցանցեր» ՓԲԸ պարտատոմսերի ձեռքբերման հայտ-հանձնարարական իրավաբանական անձանց համար

Հայտ-հանձնարարականի ներկայացման ամսաթիվ և ժամ

ՆԵՐԴՐՈՂԻ ՏՎՅԱԼՆԵՐ

Իրավաբանական անձի անվանում

Գրանցման համար

Գրանցման ամսաթիվ

Գտնվելու վայր

ՀՎՀՀ

Ռեզիդենտություն

Բանկային հաշվեհամար (ելքագրվող)

Բանկի անվանում

Արժեթղթերի հաշվի համար

Արժեթղթերի հաշիվը հաշվառող անձի անուն

ՊԱՐՏԱՏՈՄՍԻ ՏՎՅԱԼՆԵՐ¹

Ձեռք բերվող պարտատոմսերի ԱՄՏԾ

Պարտատոմսերի ձեռքբերման ամսաթիվ

Ձեռք բերվող պարտատոմսերի գումարը, քանակը և արժույթը

Քանակ (թվերով)

Միավորի ձեռքբերման գին (թվերով)

ՀՀ դրամ

Ձեռքբերման դիմաց վճարված ընդհանուր գումար (թվերով)

¹ Պարտատոմսերի ձեռքբերման համար համապատասխան դրամական միջոցները ներդրողների կողմից պետք է մուտքագրվեն **1570043105772500** հաշվին մինչև հայտ-հանձնարարականի ներկայացման օրվա ավարտը:

ՀԱՅՏԱՐԱՐՈՒԹՅՈՒՆ

- Ծանոթացել եմ հայտ-հանձնարարականին, ինչպես նաև դրա ներկայացման և/կամ դրանցում նշված արժեթղթերի ձեռքբերման/տնօրինման վերաբերյալ որոշումներ կայացնելու համար անհրաժեշտ ամբողջական տեղեկատվությանը, ներառյալ՝ Ազդագրին, Վերջնական պայմաններին, Տեղեկատվական թերթիկին և հավաստիացնում եմ, որ համապատասխանում եմ դրանց պայմաններին, սահմանափակումներին և պահանջներին:
- Ամբողջությամբ գիտակցում եմ և ստանձնում եմ պարտատոմսերում ներդրումների հետ կապված պարտականությունները և հնարավոր ռիսկերը:
- Հավաստիացնում եմ, որ իմ կողմից Բանկին փոխանցվող ֆինանսական միջոցները ստացված են օրինական ճանապարհով և որևէ կերպ կապված չեն ահաբեկչության ֆինանսավորման, թմրանյութերի վաճառքի, մարդկանց վաճառքի, հարկերի վճարումից խուսափելու և այլ հանցավոր գործունեության հետ:
- Հաստատում և գիտակցում եմ, որ հայտ-հանձնարարականը հանդիսանում է պարտատոմսերի ձեռքբերման (առքի) վերաբերյալ իմ և «Հայաստանի էլեկտրական ցանցեր» ՓԲԸ միջև պատշաճ ձևակերպված և վավեր պայմանագիր:

Անուն, ազգանուն

Ստորագրություն

Ամսաթիվ

ՏԵՂԵԿԱՏՎԱԿԱՆ ԹԵՐԹԻԿ

ԾԱՆՈԹՅՈՒՄ: Սույն Տեղեկատվական Թերթիկը հանդիսանում է հայտ-հանձնարարականի անբաժանելի մասը: Ներդրողները պարտավոր են ծանոթանալ և ստորագրել (կնքել համապատասխանաբար) Տեղեկատվական Թերթիկը: Առանց ստորագրված և համապատասխան կերպով կնքված Տեղեկատվական Թերթիկի ներկայացված հայտ-հանձնարարականը համարվում է **անվավեր**: Տեղեկատվական Թերթիկում զեպրեղված փողերի փոխարինումը վերաբերյալ առավել մանրամասն կարելի է ծանոթանալ «Հայաստանի էլեկտրոնային ցանցեր» ՓԲԸ (այսուհետ՝ Թողարկողի) պարտավորումների Ազդագրում:

1. Տեղեկատվություն Տեղաբաշխողի և նրա կողմից մատուցվող ծառայությունների մասին

Թողարկողի կողմից պարտավորումների տեղաբաշխումը կազմակերպելու է «Ամերիաբանկ» ՓԲ Ընկերությունը, որի հասցեն է Հայաստանի Հանրապետություն, Երևան 0010, Վազգեն Սարգսյան 2:

«Ամերիաբանկ» ՓԲ Ընկերության (այսուհետ տեքստում՝ Տեղաբաշխող կամ Բանկ) հետ կապի տվյալներն են՝

- Հեռախոս: (+37412) 51 31 06, (+37412) 51 31 96
- Էլեկտրոնային հասցե: CapitalMarkets@ameriabank.am

Ցանկացած անձ Տեղաբաշխողի հետ կարող է կապ հաստատել, ստանալ անհրաժեշտ փաստաթղթեր և այլ տեղեկատվություն վերոնշյալ կապի միջոցներից որևէ մեկի միջոցով, ցանկացած բանկային աշխատանքային օրվա ընթացքում Երևանի ժամանակով ժամը 09:30-ից մինչև 18:00-ը: Տեղաբաշխողի հետ հարողակցությունը կարելի է իրականացնել հայերեն, ռուսերեն և անգլերեն լեզուներով:

Պարտավորումների ձեռքբերման համար ներդրողները պետք է լրացնեն և Տեղաբաշխողին պատշաճ կերպով ներկայացնեն պարտավորումների ձեռքբերման հայտ-հանձնարարականը:

Պարտավորումների ձեռքբերման հայտ-հանձնարարականը կհամարվի պատշաճ կերպով ներկայացված Տեղաբաշխողին, եթե այն ներկայացվել է Տեղաբաշխողի հետ ներքոնշյալ կապի միջոցներից որևէ մեկի միջոցով:

Օնլայն եղանակով՝ Տեղաբաշխողի MyAmerica հավելվածի MyInvest հարթակի միջոցով էլեկտրոնային հայտ ներկայացնելու միջոցով
Առձեռն՝ այցելելով Տեղաբաշխողի որևէ մասնաճյուղ՝ և հաճախորդի մենեջերների միջոցով լրացնելով համապատասխան հայտ-հանձնարարականը
Էլեկտրոնային փոստ՝ CapitalMarkets@ameriabank.am
CBANet հասցե՝ CapitalMarkets@ameriabank.am /AMERIA/CBANet@CBANet

Համաձայն «Արժեթղթերի շուկայի մասին» ՀՀ օրենքի 35-րդ հոդվածի՝ Տեղաբաշխողը կարող է մատուցել ներդրումային ծառայություններ՝ առանց ներդրումային ծառայությունների մատուցման լիցենզիայի: Տեղաբաշխողը լիցենզավորվել է գրանցվել է որպես բանկ ՀՀ Կենտրոնական բանկի կողմից:

ՀՀ Կենտրոնական բանկի հետ կապի տվյալներն են՝ ՀՀ ք. Երևան, 0010, Վազգեն Սարգսյան 6, Հեռ՝ (374-10) 592 697, Ֆաքս՝ (374-10) 523 852, Է-փոստ՝ mcba@cba.am, S.W.I.F.T.՝CBRAAM22:

Համապատասխան հայտ-հանձնարարականները բավարարվելուց հետո ներդրողներն արժեթղթերի սեփականության վերաբերյալ քաղվածք կարող են ստանալ իրենց արժեթղթերի հաշիվը սպասարկող Պահառուից կամ Հաշվի Օպերատորից՝ Տեղաբաշխողից իրենց հայտ-հանձնարարականների բավարարման մասին տեղեկացվելուց հետո:

Հայտ-հանձնարարականները բավարարվում կամ մերժվում են այն ներկայացնելու օրվա հաջորդող 1 աշխատանքային օրվա ընթացքում: Ներդրողը բավարարման կամ մերժման մասին տեղեկանում է այն կապի միջոցով, որով ներդրողը Բանկ է ներկայացրել պարտավորումների ձեռքբերման հայտ-հանձնարարականները: Բացառություն է կազմում միայն Բանկի MyInvest հարթակի միջոցով տրամադրված էլեկտրոնային հայտերի դեպքը, երբ հայտերի բավարարման մասին տեղեկացումը տրամադրվում է Բանկի համակարգում գրանցված ներդրողի էլեկտրոնային հասցեին:

Հայտ-հանձնարարականի բավարարման, ինչպես նաև մերժման դեպքում, եթե առկա է լինում ներդրողին հետ վերադարձման ենթակա գումար, ապա բավարարումից կամ մերժումից հետո 3 (երեք) աշխատանքային օրվա ընթացքում նշված գումարը Տեղաբաշխողի կողմից ենթակա է վերադարձման, ինչն իրականացվում է անկանխիկ եղանակով՝ ներդրողների համապատասխան բանկային հաշվին փոխանցմամբ:

Տեղաբաշխողի կողմից «Շահերի բախման սահմանափակման քաղաքականության» համառոտ նկարագրությունը ներկայացվում է հաջորդիվ, սակայն ներդրողները կարող են Տեղաբաշխողի գործունեության հասցեում ծանոթանալ քաղաքականության ամբողջական տարբերակի հետ: Քաղաքականության նպատակը ներդրումային ծառայություններ մատուցելիս հնարավոր շահերի բախումների սահմանումն է և դրանց կանխարգելման ուղղությամբ տեղաբաշխողի կողմից իրականացվող միջոցառումների նկարագրությունը:

Արժեթղթերի շուկայում գործարքներ իրականացնելիս Տեղաբաշխողը և իր աշխատակիցները պարտավոր են իրենց հարաբերությունները հաճախորդների հետ կառուցել հետևյալ սկզբունքների վրա՝ ազնվություն, բարեխղճություն, տեղեկատվության ամբողջական բացահայտում, հաճախորդների հանձնարարականների կատարում՝ խիստ պահպանելով հաճախորդի շահերի առաջնությունը, մասնավորապես, հաճախորդների հանձնարարականների առաջնային կատարումը:

Տեղաբաշխողը հաճախորդի միջոցներով գործարքներ իրականացնելիս պարտավոր է պահպանել ՀՀ օրենսդրությամբ սահմանված պահանջները, իր ներքին կանոնները, ինչպես նաև աշխատանքային և մասնագիտական գործունեության էթիկայի կանոնները, մասնավորապես՝ խուսափել իր գործառնությունների իրականացման ընթացքում կամ դրանց հետ կապված հոգստ իրեն այնպիսի գործողություններ իրականացնելուց, գործարքներ կնքելուց, որոնց արդյունքում կտուժեն հաճախորդների շահերը:

² Մասնաճյուղերի գործառնական օրերը և ժամերը ներկայացված են հետևյալ հղմամբ՝ <https://ameriabank.am/service-network>:

2. Տեղեկատվություն պարտատոմսերի և դրանց հետ առնչվող ռիսկերի մասին

Մասնավոր ընկերությունների (կորպորատիվ) պարտատոմսերում ներդրումները սովորաբար կապված են որոշակի ռիսկերի հետ: Այդ ռիսկերի հնարավորինս բացահայտումը, վերլուծությունը, ի հայտ գալու հավանականության և ներդրողի ֆինանսական վիճակի վրա ազդեցության չափի գնահատումը թույլ կտա ներդրողին կատարել արդյունավետ ներդրումային որոշումներ՝ հիմնվելով լուրագրային ներդրողի համար յուրահատուկ ներդրման ռիսկ-եկամտաբերություն համակցության վրա:

Հետևաբար, ցանկացած պարագայում, ներդրողներին խորհուրդ է տրվում մինչև ներդրումային որոշում կայացնելը հանգամանորեն վերլուծել Թողարկողի պարտատոմսերի ներդրման հետ կապված ռիսկերը, ի լրումն Ազդագրում ներկայացված տեղեկատվության: Թողարկողի պարտատոմսերում ներդրումների հետ կապված որպես էական ռիսկեր դիտարկվում են հետևյալ ռիսկերը, որոնք բաժանվում են երկու մեծ խմբի՝ Թողարկողի գործունեության հետ կապված ռիսկեր և Թողարկողի պարտատոմսերում ներդրումների հետ կապված ռիսկեր:

2.1. Թողարկողի գործունեության հետ կապված ռիսկեր

Թողարկողին առնչվող ռիսկերի մանրամասն նկարագիրը ներակայացված է Ազդագրի 3.2 մասում:

Օրենսդրական և կարգավորման դաշտի ռիսկ: Թողարկողը գործում է խիստ կարգավորվող ոլորտում: Համաձայն Բաշխման լիցենզիայի պայմանների՝ ՀՀ օրենսդրության, գործող իրավական ակտերի, տեխնիկական կանոնակարգերի և ստանդարտների փոփոխությանը կամ նորերի հաստատմանը պայմանավորված լիցենզավորված անձի հիմնավորված լրացուցիչ վնասները կ(կան) լրացուցիչ ծախսերը փոխհատուցվում են սակագնային մարժայով և (կամ) բաշխման ծառայության սակագներով:

Լիցենզիաների հետ կապված ռիսկեր: Լիցենզիաների պայմանների (ներառյալ սակագնի հաշվարկման մեթոդաբանությունը) փոփոխությունները կատարվում են Թողարկողի համաձայնությամբ, բացառությամբ այն դեպքերի, երբ նախատեսվող փոփոխություններն անհրաժեշտ են ՀՀ օրենքների և նորմատիվ իրավական ակտերի պատշաճ կատարումն ապահովելու համար: Ընդ որում, եթե այդ փոփոխությունները հանգեցնում են ընկերության համար լրացուցիչ ծախսերի, ապա համաձայն Բաշխման լիցենզիայի պայմանների՝ դրանք փոխհատուցվում են սակագնային մարժայով և/կամ բաշխման ծառայության սակագներով:

Սակագների կարգավորման ռիսկեր: Թողարկողի գործունեությունը, սակագների կարգավորումը վերահսկվում է Հանձնաժողովի կողմից:

Սակագների ձևավորման մեխանիզմները ներառում են Թողարկողի համար ողջամիտ շահույթի ստացման հնարավորության ապահովումը, ուստի Ընկերության ղեկավարության գնահատմամբ վերջինիս ֆինանսական արդյունքները բացասական փոփոխությունների ենթարկվելու միտումներ չունեն:

Բաշխման ցանցի/ենթակառուցվածքների հետ կապված ռիսկեր: Թողարկողի գործունեության վրա կարող են էական ազդեցություն թողնել Թողարկողի վերահսկողությունից դուրս գտնվող իրադարձություններ (վատ եղանակի ազդեցությունը, երրորդ անձանց անօրինական կամ ոչ միտումնավոր գործողությունները կամ ֆորսմաժորային իրադարձությունները՝ բնական աղետներ, պատերազմներ և այլն)՝ հանգեցնելով ակտիվների և ենթակառուցվածքների վնասման, վերջինս էլ ինչ-որ ժամանակահատվածում կարող է ազդել հաճախորդների որոշակի խմբի սպասարկման շարունակականության և/կամ որակի վրա:

Տեղեկատվական համակարգերի ռիսկեր: Թողարկողն իր գործունեության համար կիրառում է բարդ տեղեկատվական տեխնոլոգիական համակարգեր: Օգտագործվող համակարգերի կամ ծրագրային ապահովման հնարավոր խափանումները (միտումնավոր կամ ոչ միտումնավոր) կարող են էական ազդեցություն ունենալ Թողարկողի բիզնես գործունեության վրա: Ֆեռ:

Ապահովագրական ռիսկեր: Թողարկողի ներկա ապահովագրական ծածկույթը հիմնականում փակում է հավանական կորուստները, պարտավորությունները ու գործունեության հետ կապված վնասները:

Ընկերության դիտարկմամբ ապահովագրական բաղաբաղանդությունը պատշաճ կերպով ապահովում է իր հիմնական հավանական կորուստների և պարտավորությունների ապահովագրությունը:

Ֆինանսական ռիսկեր: Թողարկողի գործունեությունը ֆինանսավորվում է նրա ընթացիկ գործառնություններից ստացված, ինչպես նաև պարտքային դրամական միջոցներով: Թողարկողի ֆինանսական վիճակի վրա կարող են ազդել տոկոսադրույքների և ֆինանսական շուկայի պայմանների էական փոփոխությունները:

2.2. Թողարկողի պարտատոմսերում ներդրումների հետ կապված ռիսկեր

Թողարկողին առնչվող ռիսկերի մանրամասն նկարագիրը ներակայացված է Ազդագրի 2.1 մասում:

Տոկոսադրույքի ռիսկ: Շուկայում պարտատոմսերի գները գտնվում են հակադարձ կախվածության մեջ տոկոսադրույքների մակարդակից, այսինքն տոկոսադրույքների բարձրացումը, այլ հավասար պայմաններում, հանգեցնում է պարտատոմսերի գնի անկմանը և հակառակը:

Շուկայական ռիսկ: Երկրորդային շուկայում Թողարկողի պարտատոմսերի գինը և դրանց նկատմամբ պահանջարկը կարող են նվազել ներքին/միջազգային տնտեսություններում տնտեսական ընթացիկ ցուցանիշների և դրանց փոփոխությունների սպասումների հետ կապված: Ներդրողը պետք է հաշվի առնի, որ արժեթղթերի գները շուկայում կարող են ժամանակի ընթացքում իջնել կամ բարձրանալ:

Վերաներդրման ռիսկ: Վերաներդրման ռիսկը պայմանավորված է Թողարկողի պարտատոմսերից պարբերաբար ստացվող արժեկտրոնային եկամուտների առավելագույն համարժեք եկամտաբերությամբ (ձեռքբերման գործարքով սահմանված մինչև մարումը եկամտաբերությամբ) ներդրում կատարելու հնարավորության բացակայության հավանականությամբ:

Վարկային/դեֆոլտի ռիսկ: Ներդրողները Թողարկողի պարտատոմսեր ձեռք բերելիս իրենց վրա են վերցնում Թողարկողի վարկային ռիսկը, որը կապված է ապագայում Թողարկողի ֆինանսական վիճակի հնարավոր վատթարացման, արժեկտրոնային վճարումներ իրականացնելու կամ պարտատոմսերն իրենց անվանական արժեքով մարելու անհնարինության և հավանական սնանկացման հետ:

Արտաթոփային ռիսկ: Արտաթոփային ռիսկն առկա է այն ներդրողների մոտ, որոնք իրենց դրամական միջոցներն ԱՄՆ դոլարով կամ ՀՀ դրամով պարտատոմսերում ներդնելու նպատակով պետք է փոխարկեն մի արժույթից մեկ այլ արժույթ:

Իրացվելիության ռիսկ: Թողարկողը չի կարող երաշխավորել, որ պարտատոմսերի շրջանառության ողջ ժամկետի ընթացքում ներդրողները ցանկացած պահի կարող են իրացնել կամ ձեռք բերել պարտատոմսերը երկրորդային շուկայում (կարգավորվող շուկայում) իրենց համար տնտեսապես շահավետ գտնել:

Գնաճի կամ գնազրկության ռիսկ: ՀՀ-ում գնաճի առկայության պարագայում Թողարկողի կողմից իր պարտատոմսերի դիմաց առաջարկվող անվանական արժեկտրոնային եկամտաբերությունը գնահատելիս ներդրողները պետք է հաշվի առնեն, որ իրական եկամտաբերությունը կարող է լինել անվանական արժեկտրոնային եկամտաբերությունից ավելի ցածր (գնաճի չափով):

2.3. Տեղեկատվություն հրապարակված ազդագրի մասին

Ցանկացած անձ կարող է Թողարկողի կողմից առաջարկվող պարտատոմսերի Ազդագիրը ստանալ «Ամերիաբանկ» ՓԲ Ընկերության գործունեության վայրում (հասցե՝ ՀՀ, 0010 Երևան, Վ. Սարգսյան 2), իսկ էլեկտրոնային տարբերակը՝ «Ամերիաբանկ» ՓԲ Ընկերության ինտերնետային կայքից (www.ameribank.am) կամ Թողարկողի ինտերնետային կայքից (www.ena.am):

2.4. Տեղեկատվություն երաշխավորության և երաշխավորի մասին

Թողարկողի պարտատոմսերն ապահովված կամ երաշխավորված չեն:

3. Գործարքի կնքման վայրը

Գործարքի կնքման վայր է համարվում Տեղաբաշխողի գործունեության իրավաբանական հասցեն:

4. Տեղեկատվություն ծախսերի և միջնորդավճարների մասին

4.1. Պարտատոմսերի դիմաց վճարումը

Ներդրողները պարտատոմսի դիմաց կատարում են վճարումներ համաձայն պարտատոմսերի Ազդագրի:

4.2. Ընդհանուր տեղեկություններ ծախսերի և միջնորդավճարների մասին

Տեղաբաշխման ընթացքում ներդրողները կարող են ունենալ հետևյալ ծախսերը՝

- որևէ առևտրային բանկում բանկային հաշվի բացման հետ կապված ծախսեր՝ համաձայն յուրաքանչյուր առևտրային բանկի գործող սակագների,
- «Հայաստանի Կենտրոնական դեպոզիտարիա» ԲԲԸ կամ ՀՀ Կենտրոնական բանկի կողմից լիցենզավորված պահառուների մոտ արժեթղթերի հաշվի բացման, վարման և արժեթղթերի պահպանման հետ կապված ծախսեր՝ համաձայն յուրաքանչյուր պահառուի գործող սակագների,
- Հայտ-հանձնարարականի բավարարման արդյունքում թողարկված արժեթղթերի ձեռքբերման և դրանց նկատմամբ սեփականության իրավունքի ամրագրման հետ կապված ծախսեր: Մասնավորապես՝
 - ձեռքբերվող պարտատոմսերի համար Թողարկողի բանկային հաշվին ներդրողի (ձեռք բերողի) բանկային հաշվից համապատասխան գումարի փոխանցման հետ կապված բանկային ծախսեր՝ համաձայն սպասարկող առևտրային բանկի գործող սակագների,
 - ձեռքբերվող պարտատոմսերի համար արժեթղթերի փոխանցման հետ կապված պահառուի ծախսեր՝ համաձայն սպասարկող պահառուի գործող սակագների:

Ներդրողները հնարավոր արժեկտրոնների ստացման, պարտատոմսերի շրջանառության ընթացքում պարտատոմսերով առուվաճառքի գործարքների իրականացման արդյունքում կարող են ունենալ նաև հարկային ծախսեր՝ համաձայն իրենց որպես հարկ վճարողի կարգավիճակի (ոեզիդենտ, ոչ ոեզիդենտ, գործող հարկային արտոնությունների առկայություն և այլն): Հետևաբար հնարավոր է, որ Թողարկողը, հանդես գալով որպես հարկային գործակալ, իրականացնի օրենսդրությամբ նախատեսված որոշակի հարկային պահումներ: Պարտատոմսերից ստացվող եկամուտների հարկման առավել մանրամասն նկարագրությունը ներկայացված է պարտատոմսերի Ազդագրում:

4.3. «Ամերիաբանկ» ՓԲ Ընկերության կողմից առաջարկվող ծառայությունները

Տեղաբաշխման ընթացքում պարտատոմսերի ձեռքբերման համար անհրաժեշտ գործողությունների հետ կապված «Ամերիաբանկ» ՓԲ Ընկերության կողմից առաջարկվող ծառայությունները ներկայացվում են ստորև՝

- բանկային հաշվի բացում՝ համաձայն «Ամերիաբանկ» ՓԲ Ընկերության գործող սակագների,
- բանկային հաշվին պարտատոմսերի ձեռքբերման համար անհրաժեշտ կանխիկ միջոցների մուտքագրում՝ համաձայն «Ամերիաբանկ» ՓԲ Ընկերության գործող սակագների,
- արժեթղթերի հաշվի բացում և վարում՝ համաձայն «Ամերիաբանկ» ՓԲ Ընկերության գործող սակագների:

Ստորագրություն

Անուն Ազգանուն

(ստորագրող անձի անուն, ազգանունը)